



# NEWYDDION PLASMAWR

## DYDDIADAU PWYSIG

**Ionawr 19:** Noson cyflwyno cwricwlwm CA4 i ddisgyblion a rhieni Bl 9 (1730).

**Ionawr 24:** Noson i rieni disgyblion Bl 9 sy'n mynychu'r daith i Amsterdam (1730).

**Ionawr 25:** Cystadleuaeth Cerddor Ifanc Plasmawr.

**Ionawr 27:** Cwis CRAP—Neuadd am 1900.

### Chwefror 3—6:

Taith Bl 9 i Amsterdam.

Taith Bl 11 i Glanllyn.

**Chwefror 2:** Noson rhieni i drafod opsiynau — Bl 9 (1545).

**Chwefror 9:** Rhieni Bl 10 (1545).

### Chwefror 10:

Eisteddfod yr Ysgol.

### Chwefror 13—17:

Gwyliau hanner tymor.

**Chwefror 23:** Noson opsiynau'r Chweched Dosbarth i Fl 11 (1730).

**Mawrth 7:** Rhieni Bl 7 (1545).

**Mawrth 13—15:** Cynhyrchiad—Olfyr.

Blwyddyn Newydd Dda i bawb. Mae'r hanner tymor nesaf yn un pwysig yn nhermau arholiadau modylol TGAU, UG a safon Uwch ac i ddisgyblion Blwyddyn 9 wrth feddwl am opsiynau blwyddyn nesaf. Gwnewch nodyn o'r dyddiadau sy'n berthnasol i chi.

### Cyngerdd Nadolig

Diolch diffuant i bawb a gyfranodd ac a fynychodd ein cyngerdd Nadolig yn y Coleg Cerdd a Drama ar ddiwedd mis Rhagfyr, roedd hi'n noson gofiadwy. Diolch i'r lluo o bobl a gysylltodd ar ol y cyngerdd i longyfarch y disgyblion ar eu perfformiadau.

Fe fydd elw'r noson a'r raffl yn mynd tuag at elusen yr ysgol — Hospis plant Ty Hafan a diolch i banc Barclays am addewid i gyfrannu at yr elusen yn ogystal.

### Rhiant Lywodraethwr Newydd

Diolch i Nicola Heywood Thomas am ei gwasanaeth ffyddlon i'r corff llywodraethol dros y blynyddoedd diwethaf a llongyfarchiadau i Catrin Redknap am gael eu hethol yn riant lywodraethwr newydd. Fe

fydd etholiad arall yn cael ei chynnal yn ystod yr wythnosau nesaf pan ddaw cyfnod Mr D. Boobier i ben fel rhiant lywodraethwr.

### Cyfleoedd

Anogir pob disgybl i gyfrannu at gystadleuthau unigol yr Eisteddfod Ysgol ar ddiwedd yr hanner tymor ac mae cyfle i'n cerddorion gorau i gystadlu yng nghystadleuaeth cerddor ifanc ar ddiwedd y mis. Dewch i wrando ar y gerddorfa ar yr un noson.

### Gwefan yr ysgol

Mae gwefan yr ysgol bellach ar ei newydd wedd a chaiff y dudalen flaen ei ddiweddarau'n wythnosol gyda'r newyddion a'r cyhoeddiadau diweddaraf. Os oes gennych awgrymiadau am sut allwn ddatblygu'r wefan ymhellach yna cysylltwch a Gareth Hall Williams, ghw@plasmawr.cardiff.sch.uk

## C.R.A.P.

Mae gweithgareddau'r Gymdeithas wedi bod yn llwyddiannus iawn eleni hyd yn hyn. Y ffair Nadolig oedd y digwyddiad mwyaf diweddar a diolch i bawb a gyfranodd at yr achlysur. Mae'r noson gwis boblogaidd yn dychwelyd ar ddiwedd y mis. Dewch i ffarwelio a mis Ionawr drwy drefnu neu ymuno a thim cwis a chael noson o hwyl a sbri yn neuadd yr ysgol.

**Ionawr 27: Noson gwis, 1900 yn Neuadd yr Ysgol.** Mynnwch eich tocynnau ymlaen llaw o'r brif swyddfa neu cewch dalu wrth y drws ar y noson. A fydddech cystal a chysylltu a'r ysgol ymlaenllaw os ydych yn bwriadu dod i'r cwis? Bydd hynny'n gymorth i'r pwyllgor wrth iddynt fynd ati i archebu'r bwyd a'r diod.

### SEICLO I'R YSGOL

Gofynnir i bawb sy'n seiclo i'r ysgol wisgo dillad a helmed sy'n adlewyrchu golau yn enwedig yn ystod misoedd tywyll y Gaeaf. Mae goleuadau blaen a cefn i'w cymeradwyo wrth feddwl am ddiogelwch ar y ffordd fawr.

### GWISG YSGOL

Nodyn byr i'ch atgoffa bod siop YC Sports ar Heol Crwys yn cyflenwi'r gwisg ysgol ac yn cynnig gostyngiad o 15% ar eitemau ychwanegol fel cotiau tywyll, esgidiau ymarfer ac esgidiau ysgol

addas.

### CWPWRDD STORIO

Os ydych yn pryderu am lwyth cario trwm eich plentyn, mae'r ysgol yn cynnig gwasanaeth storio eiddo diogel dyddiol. Mae disgwyl i'r disgyblion fynd a'u bagiau trwm at y brif swyddfa lle diogelir yr eiddo tan amser cinio neu ddiwedd y dydd.

### NEWID CYFEIRIAD / RHIFAU FFÔN

Apel i bawb sydd yn newid cyfeiriad neu rhif ffôn yn enwedig ffonau symudol i

drosglwyddo'r wybodaeth hynny i'r swyddfa. Mae'n bwysig bod y wybodaeth sydd gennym am bob disgybl yn gwbl gywir.

### OFFER I'R YSGOL

A all rhieni sicrhau bod gan eu plant yr offer cywir yn eu bagiau ysgol yn ddyddiol? Mae'r rhestr yn cynnwys pen, pensil, rwbiwr, pren mesur a phensiliau lliw. Ni chaniateir 'tippex' na pheniau ffelt trwchus. Mae gormod o ddisgyblion yn cyrraedd eu gwersi heb yr offer priodol sy'n amharu ar

y dysgu ar gychwyn y wers.

### CEIR AR Y SAFLE

Gofynnir yn garedig i rieni beidio gollwng neu casglu eu plant ar safle'r ysgol yn y bore ac ar ddiwedd y dydd yn eu ceir ond yn hytrach i wneud hynny ar hyd strydoedd cyfagos neu yn yr arhosfan bws cyhoeddus wrth flaen yr ysgol. Mae'r arhosfan bws estynedig ychydig yn wacach nag yn ystod y misoedd diwethaf nawr bod ceir y contractwyr wedi symud i ffwrdd.

Dymuniadau gorau i'r disgyblion hynny ym mhlynyddoedd 11, 12 a 13 sy'n wynebu arholiadau modylol yn ystod mis Ionawr.